



UNIVERSITETI I PRISHTINËS  
"HASAN PRISHTINA"  
FAKULTETI I SHKENCAVE MATEMATIKE NATYRORE

Rr. Eqrem Çabej, 10000 Prishtinë, Republika e Kosovës  
Tel: +381-38-249-873 • E-mail: [fshmn@uni-pr.edu](mailto:fshmn@uni-pr.edu) • [www.uni-pr.edu](http://www.uni-pr.edu)

FSHMN

Ref. nr.

1897

Prishtinë, Dt.

04.06.2024

RAPORT I VLERËSIMIT TË DORËSHKRIMIT TË PUNIMIT TE DIPLOMES  
MASTER

FAKULTETI	Fakulteti i Shkencave Matematike dhe Natyrore
Departamenti/ Programi	Ekologji dhe Mbrojtje e Mjedisit
Projektpropozimi	Identifikimi i zonave potenciale të mbrojtura në komunën e Novobërdës dhe Prizrenit
Kandidati	Gentiana Gashi
Mentori	Prof. Dr. Behxhet Mustafa
Aprovimi i projekt propozimit në Këshillin e Fakultetit	Datë: 07.07.2023
	Vendimi nr.: 3265
<p>Vlerësimi i dorëshkrimit</p> <p>Tema e masterit "Identifikimi i zonave potenciale të mbrojtura në komunën e Novobërdës dhe Prizrenit" e kandidatës Gentiana Gashi është punuar në Departamentin e Biologjisë të Fakultetit të Shkencave Matematike-Natyrore përkatësisht në laboratorin e Ekologjisë së Bimëve dhe Institutin e Kosovës për Mbrojtjen e Natyrës – IKMN, në kuadër të Agjensionit të Kosovës për Mbrojtjen e Mjedisit – AMMK, në Ministrinë e Mjedisit Planifikimit Hapësinor dhe Infrastrukturë. Tema është realizuar sipas procedurave dhe dinamikës së paraparë në programin e punës të paraqitur së bashku me kërkesën për vlerësimin të projekt-propozimit të temës.</p> <p>Dorëshkrimi është shkruar në 59 faqe, me rrallor 1.5 ku janë përfshirë këta kapituj: Abstrakti, Abstract (në gjuhën Angleze), Hyrja, Qëllimi i hulumtimit, Materiali dhe metodat e punës, Rezultatet dhe diskutimi, Përfundimi, Literatura dhe Jetëshkrimi. Në punim janë të prezantuara 38 figura dhe 3 tabela. Kandidatja gjatë shkruarjes së dorëshkrimit ka shfrytëzuar literaturë të mjaftueshme duke cituar 14 artikuj shkencor dhe burime tjera të literaturës.</p>	

Në kapitullin Hyrje, kandidatja përshkruan historikun e fillimit të futjes nën mbrojtje të zonave dhe objekteve natyrore në botë, masat e para për shpalljen e zonave të mbrojtura në Kosovë që kanë filluar nga viti 1959, dhe trendin e rritjes së sipërfaqeve dhe objekteve natyrore të mbrojtura me ligj në Kosovë prej atëherë e deri më tash.

Te Qëllimi i hulumtimit kandidatja sqaron rëndësinë e hulumtimi të saj në identifikimin e zonave potenciale të mbrojtura dhe adreson qartë qëllimin e këtij hulumtimi në komunën e Novobërdës dhe atë të Prizrenit.

Në kapitullin Materiali dhe metodat, tregon se realizimi i këtij punimi është bërë në kuadër të iniciativës së Institutit të Kosovës për Mbrojtjen e Natyrës, për identifikimin e zonave potenciale për mbrojtje në komunën e Novobërdës dhe komunën e Prizrenit. Kandidatja përshkruan në detaje materialin dhe metodat e përdorura në këtë hulumtim, përfshirë dizajnin e punës në terren, karakteristikat e përgjithëshme të territorit të komunës së Novobërdës dhe Prizrenit, mënyrën e identifikimit të zonave dhe objekteve për mbrojtje, mënyrën e kategorizimit të tyre.

Në kapitullin Rezultatet dhe diskutimi, kandidatja përshkruan dhe analizon rezultatet e gjetura për zonat dhe objektet e rëndësishme natyrore në komunën e Novobërdës dhe Prizrenit. Në fshatrat e komunës së Novobërdës, janë identifikuar njëzetë e shtatë (27) objekte të trashëgimisë natyrore. Ndërsa Institutit i Kosovës për Mbrojtjen e Natyrës vetëm pesë (5) prej këtyre objekteve me karakter botanik i ka propozuar komunës së Novobërdës për vënien e tyre nën mbrojtje ligjore. Në komunën e Prizrenit janë identifikuar trembëdhjetë objekte (13), ku 7 objekte janë të karakterit botanik dhe 3 objekte janë të karakterit hidrologjik, 3 speleologjik.

Në kapitullin Përfundimi, kandidatja jep një rezymë të rezultateve të arritura. Në bazë të rezultateve të fituara kandidatja konstaton se në komunën e Novobërdës janë të identifikuar 5 objekte të gjitha të karakterit botanik. Kandidatja sqaro se nga Instituti i Kosovës për Mbrojtjen e Natyrës – IKMN, në kuadër të Agjensionit të Kosovës për Mbrojtjen e Mjedisit – AMMK, në Ministrinë e Mjedisit Planifikimit Hapësinor dhe Infrastrukturë është propozuar që komuna e Novobërdës të shpallë nën mbrojtje këto 5 objekte të karakterit botanik. Kandidatja gjithashtu për komunën e Prizrenit konstaton se nga Instituti i Kosovës për Mbrojtjen e Natyrës janë propozuar 13 objekte për tu futur nën mbrojtje të cilat nga komuna ato janë shpallur nën mbrojtje ligjore në prill të vitit 2024.

Kandidatja konkludon se rezultatet e fituara në këtë punim në suazë të komunës së Novobërdës dhe Prizrenit paraqesin kontribut për njohjen e vlerave natyrore të veçanta në vendin tonë dhe

nevojën për mbrojtje ligjore të tyre.

Këshillit Shkencor-Mësimor të Departamentit të Biologjisë dhe të Fakultetit të Shkencave Matematike-Natyrore i propozojmë që të aprovoj këtë raport dhe kandidates Gentiana Gashit ti lejoj mbrojtjen e temës.

Prishtinë, 04.06.2024

Komisioni:

1.  \_\_\_\_\_

/Prof. Dr. Avni Hajdari - kryetar /

2.  \_\_\_\_\_

/Prof. Dr. Behxhet Mustafa - anëtar (mentor)/

3.  \_\_\_\_\_

/Prof. Dr. Avdullah Alia - anëtar /

